



Australian Embassy
Timor-Leste

COVID-19



29 Juñu 2020

Mensajen husi Embaixador Austrália nian iha Timor-Leste, Peter Roberts



Liu ona fulan tolu hafoin Timor-Leste deteta tiha kazu COVID-19 dahuluk. Timor-Leste ninia resposta ne'ebé rápidu – deklarada Estadu Emerjênsia, taka ninia fronteira, estabelese facilidade kuarantena no izolamentu, no implementa sistema teste laboratóriu – koloka Timor-Leste iha pozisaun ne'ebé forte duni.

Periódulu resposta dahuluk ba COVID-19 atu to'o ninia rohan ona. Timor-Leste konsege jere duni ninia kazu konfirmadu hamutuk rua-nulu-resin-hat to'o rekupera hotu, no la identifika tan kazu foun ruma iha semana hirak nia laran. Susesu jestaun iha faze inisiu ne'e fó ona tempu hodi bele prepara ba surtu iha tempu tuir mai.

Austrália, hamutuk ho parseiru hirak seluk inklui Organizasaun Mundiál Saúde, orgullu tebes tamba bele serbisu hamutuk ho Timor-Leste durante periódulu ida ne'e.

Atividade prinsipál hirak husi ita-nia parseira durante periódulu ida ne'e, inklui:

- 01 Tulun ona ho fundu hamutuk Dollar Austrália millaun 1.3 hodi melhora infraestrutura sira iha facilidade izolamentu sira iha Vera Cruz, Tasi Tolu no Tibar. Facilidade hirak ne'e esensial tebetes hodi hatan ba COVID-19, tulun ema hirak ne'ebé mak teste pozitivu atu bele rekopera ho seguru haketak husi komidade sira. Obrigadu ba parseiru tékniku sira iha Ministériu Saúde, OMS, Maluk Timor no St. John of God.
- 02 Estabelesimentu kapasidade teste laboratóriu independenti ba COVID-19 facilita ona Ministériu Saúde hodi bele monitoriza kedas pandemia ne'e. Menzies School of Health Research serbisu ona ho Laboratóriu Nasionál Saúde hodi dezenvolve kapasidade ida ne'e, ne'ebé halo ona teste laboratóriu hamutuk rihun-rua (2,000) resin iha Timor-Leste. Kolaborasaun ho Royal Darwin Hospital sei la'o nafatin.
- 03 Fornese mos ekipamentu protesaun pesoál (EPP) no ekipamentu médiiku inklui reguladór ba oksijêniu no mákina hodi monitoriza sinais vital pasiente nian ne'ebé atu uza iha facilidade izolamentu no mós iha Ospital Nasionál. Ekipamentu hirak ne'e apoia tratamentu pasiente, nune'e mos proteje nafatin pesoal saúde sira iha liña frente.
- 04 Fornese fundu adisionál ba ONG sira, inklui ONG Maluk Timor hodi hala'o formasaun atu prepara no hasa'e pesoal saúde sira nia kapasidade hodi bele prevene no kontrola infesaun hanesan COVID-19. Formasaun ne'e hala'o ona iha facilidade saúde hirak iha rai-laran no ninia benefisiu sei dura nafatin hafoin COVID-19 remata.



05 Fornese mos orsamentu adisionál hamutuk Dollar Austrália millaun hitu (7) ba Timor-Leste nia Programa Nasionál Dezenvolvimentu Suku (PNDS) hodi kria serbisu no estimula atividade ekonómia lokál. Fundu ida ne'e sei fó oportunidade ba un-tersu husi comunidade iha Timor-Leste hodi bele harii infraestruturá esensial hirak hanesan bee-moos no sistema irigasaun.

06 Fasilita distribuisaun pagamentu osan ba uma-kain, liu husi apoiu tékniku no práttiku ba Ministériu Solidaridade Sosiál no Inkluzáun. Austrália fornese ona osan hamutuk Dollar Austrália rihun-atus-ualu-lima-nulu (850,000) hodi apoiu lojístika, formasaun, no dezeńu sistema foun hodi bele fasilita pagamentu hirak ne'e.

07 Harii comunidade reziliénte ida liu husi fornese fundu adisionál hamutuk Dollar Austrália millaun lima (5) liu husi programa Australian Humanitarian Partnership (Austrália nia Parseria Umanitaria). Asisténsia ida ne'e sei foka ba iha hasa'e kualidade moris, seguransa alimentar, nutrisaun, promosaun saúde, edukasaun, bee-moos, saneamentu no ijiéne – programa hirak ne'e dezeńá ona atu bele mitiga impaktu sosiál no promove rekupersaun ekonómia.

08 Aproximasaun nebe foti ona atu promove comunidade ne'ebé seguru. Polísia Federal Austrália (sigla Inglés: AFP) apoia ona PNTL hodi konstrui estasaun temporária ba polísia iha fatin kuarantena nian, harii mós fatin fase-liman nian, no fornese ekipamentu hodi tulun UPF sira atu bele hala'o patrulla iha fronteira.



COVID-19 halo Austrália no Timor-Leste bele serbisu besik no di'ak liu tinan hirak liu ba. Buat barak mak atinje ona – ne'ebé ami labele temi ida-ida iha ne'e. Sei iha serbisu barak tan mak prezisa atu halo, no nu'udar belun no viziñu, Austrália no Timor-Leste sei kontinua serbisu hamutuk.



09 Apoia ne'ebé forte husi Austrália nia Programa Kooperasaun Defeza hodi fasilita F-FDTL ninia resposta iha área seguransa nian. Ida ne'e inklui oferese asesór defeza nian hodi apoia Sentru Integradu Jestaun Krize, no asisténsia hodi mantein prontidaun operacional no sistema komunikasaun.

10 Medida foun hodi prioritiza bem-estar no mantein seguru ba Timor-Leste nia traballadór sazonal no estudante sira iha Austrália. Austrália estabelese ona akordu vistu (visa) foun ba estensaun tempu atu hela iha Australia, tulun traballadór Timor-oan sira atu hetan fatin serbisu foun, no fornese apoiu adisionál ne'ebé prezisa.

11 Mantein komunikasaun entre ita nia lider sira, inklui iha nivél Primeiru Ministru, Ministru/a Negósiu Estranjeiru no Ministru/a Defeza nian. Wainhira mantein komunikasaun direta iha nivel altu, Austrália sei responsivu nafatin ba Timor-Leste nia prioridade.

